

了永逍遙

逍遙歌

簡聲頻簡聲快休妻別子斷恩愛往昔親情總休怪害風不把
三光昧艷都鬼使已迴頭黑府除名無追對口能言心能行蓬
萊穩路是長生

玄玄歌

崢嶸峯安萬丈杆杆尖有箇嬰嬰走清風裏面騁狂顛明月前
頭誇好手旋旋拈拏碼碯丸頻頻趨弄珊瑚斗丸與斗兮失落
無等閑失落費功夫撥開銀浪觀瓊浦正見金鼈在玉壺氣艷
氤氳噴琥珀眼光燦爛射明珠孩兒方是下杆來奪得明珠言
道藏輯要

重陽全真集

雷

中胃集一
卅三二

誓約不教驪龍領下藏搥入雲霞投碧落杳杳冥冥不記年從
茲頓覺無爲作

達達歌

修持便要發佳謨會做搜尋廣擺鋪二八佳人安手腳六分公
子下功夫娉婷朱貌知金鑛傻俏烏顏看玉壺自飲自沽醒復
醉任歌任舞笑還愉撞開陽路傳珍寶通過陰關出轆轤漸上
崑山呈片玉復歸巨海弄明珠般般拈捻齊玄旨處處遊行見
坦途瓊萼滿頭藏妙有瑤花盈足趁虛無能教面目長來往養
就根源是吸呼周正元初真等覺的端巨始大惺甦孤然朗照
何曾異五道光輝總不殊緣結黃花成一得如喬赤鳥化雙鳧